

湖南府縣志輯

中國地方志集成

光緒龍山縣志
同治武陵縣志



K296.4
10
57

中國地方志集成

湖南府縣志輯 ⑦⑤

光緒龍山縣志

同治武陵縣志

江蘇古籍出版社●上海書店●巴蜀書社

重修龍山縣志序

同治四年乙丑湖南謀修通志於是大府下其檄各郡邑飭取志書並頒發章程諭令會同儒學延選士紳蒐羅近聞續修增入而龍山亦因是有志局之設焉丁卯春子權篆斯邑甫下車即奉札催爰進諸紳首而敦促之復於公餘之暇不時至局共相揚摧已而志稿就予觀其源委井秩綱舉目張分門者十有四首地輿不載星野談天之說所以紀實也次城池次山水次田賦而墟市津梁古蹟戶口蠲政各以類附所以省繁也次學

龍山縣志

卷之首

序

校右文教重作育也次兵防地處邊陲示不忘武備也典禮則先敘其前所未備者納民軌物導之以所樂從也祠祀則不廢其素所奉信者神道設教動之以其所懼也志風俗見

國家教澤之涵濡焉志物產見境壤生殖之豐阜焉他若秩官政績悉統以官師選舉封蔭併歸諸人物詳與約俱具有深意節烈惟恐其見遺藝文不欲其濫收寬與嚴要各有取義而每門復綴以弁語或揄揚而得體或質慤而可味寥寥短章已足宣上德而達下情至土

司不予其專立尤為偉識特筆卓然具良吏才則洵乎非舊志之所得同年而並語也先是龍山為蠻酋割據之所我

朝雍正五年始內附納土七年始改設流官越嘉慶戊寅始創修邑乘維時文獻無徵規模竊具誠難免擇不精而語不詳之憾今則於其缺者補之冗者汰之折中損益已犁然改觀昔曾宋歐陽諸公奉詔刪定唐書論者謂文省於舊事增於前新書實優於舊而志紀表傳非出一手往往自相牴牾亦有難禁乎後人之議者是

龍山縣志

卷之首

序

二

書卷帙不富纂修畫一其中事增文省之處未知視古人何如然詞歸典要義主勸懲殆將與朝邑武功諸志並傳矣第念邑之有志固居是土者藉以觀覽而取為法戒之資亦官是土者得所證據以善其因革張弛之用故曰載之空言不若見諸行事之深切著明也龍邑山勢峻鬱民風剛勁吏治若救湯火非武健嚴酷者不足以勝任愉快子以儒冠初脫承乏其間識閭性拘上之不克明禮義以化導去敲撲次之不克嫻法令以搏擊立名威案牘簿書蹈常襲故雖期年中每事務以安

靜持之冀稍爲地方滋培元氣而獄訟未見稀少爭競未聞衰息其爲教者則書院甫竣工器識文藝未暇與諸生朝夕講明而切究所爲養者則雨暘不時歲告歉收米價日益騰踊方將偕紳耆急籌補救之術而尙未就緒每展閱前人諸績輒不禁爲之汗流而走且僵也乃邑人士獨不鄙予爲迂拙而動多恕詞且於予所欲爲者無不踴躍仗助相與求其事之實有所裨益卽斯志續修首尾已逾數載若雅不欲以作而未竟者重煩予之惓惓故刻期蒞事俾予猶得於瓜代之際通觀

龍山縣志

卷之首

序

三

厥成而掛名簡端不可謂非予之幸也雖然役也纂輯編次則在局諸君實任其勞採訪舉報則各里諸君共襄其勤予仍第託諸空言其幸也祇所以爲愧也歟同治七年歲在戊辰春正月申浣

賜同進士出身加五品銜湖南卽用縣知龍山縣事恩江符爲霖謹序

續修龍山縣志序

同治戊辰予奉檄攝龍山縣事下車伊始邑人士以續修志稿質予予喜其典而核簡而賅舉凡山川之廣狹疆域之沿革戶口之盈耗賦役之重輕與夫官師賢否之殊塗風俗升降之異軌一展卷而瞭如指掌蓋秩秩乎不愧爲完書焉顧或者謂是書不列星野不誌祥異揆諸紀載之體未免略焉而不詳茲說也予頗不然之攷龍山從承順分置其地本屬長官司通天玉書謂在翼十六度地理志又以爲入軫十度固已言人人殊且

龍山縣志

卷之首

序

一

自武陵極於荊州全楚分星同在鶉尾之次並爲翼軫所轄今以一邑之地絜之測其度數未及十分之一以星占野其部位果安準乎若夫祥異之徵莫著於漢書五行志然考之當時或有應有不應要以吉凶景響全憑人事爲權衡術家推測之說奚足尙焉然則斯志之略斯二者略其所不必詳固無害其爲完書也方予蒞任時前宰符君徵岩已分任邑之賢士大夫設局蒐輯裒然集有成編予因踵而成之於茲事固靡所裨益乃以躬際其會遂得與名其閒案牘餘閑時復披覽因而

詳識其源流參觀其利弊循其已往之迹制其因時之宜化裁損益之道咸折衷於是焉未始非當官之一助也書成將付之剞劂氏用綴數語於簡端以誌顛末後之官斯土者其亦覽是書而得所考鏡也乎

同治九年歲在庚午暮春之初

欽加知州銜湖南候補縣知龍山縣事陽湖呂懋恆序

龍山縣志

卷之首

序

二

重修龍山縣志序

龍山僻處萬山中土瘠而民貧故爲政之難倍他邑殫精竭力而廢弛者始克盡舉光緒丙子余奉

簡命尹龍山調學宮而靈星門頽池石橋皆傾圮不治明年丁丑予籌貲率邑紳葺繕之工甫竣而諸紳復以重刻縣志請蓋龍山之志重修於同治丁卯前令符君爲霖主其事邑明經劉沛纂其文願經費缺如未及鏤於板者閱十稔於今矣昔朝邑令王道以朝邑志蕪穢屬韓子五泉修之傳諸木爲朝邑實籍康子對山曰王

龍山縣志

卷之首

序

一

君作縣能先事於此可以徵其政矣竊嘗謂古人政治必先其大者要者而志乘之作蓋所以稽考士俗民情因革興除於是乎在今龍山志之刻前數令竟若有未暇及者何哉子尹龍山且三年諸務幸漸就理微諸紳之請予固將力圖之以底於成而諸紳乃以其所不能得之於前令者而復以請屬於予意者爲政之要大先後之宜予尙能審而處之乎於是急籌數百金督手民刊刻之既成書其崖略於首後之君子朝考夕究不辭於瘠苦不畏於煩勞廢者興之弛者張之班條布

令因勢利道以和輯其民以襄

聖天子溷洽無外之治則巖邑將賴之以有鳩也若夫
審繁簡之宜明取舍之法覈事顯義用昭勸鑒此修志
之體要也符君既詳言之余不必贅
清軍府銜知龍山縣事高成謝寶文序

龍山縣志

卷之首

序

二

凡例

一邑改土未久事實無多

國朝以前除各土司外亦鮮文籍可資搜錄舊志分門
至三十八未免過繁今約爲十四門間有亦不可缺而
又不能另編者則各以類附如津梁附城池戶口兵穀
社倉附田賦之類是也

一舊志每門不加弁語謂避勦說雷同也然於每門情
事各據本邑實蹟確鑿言之自不能移易他處又何勦
說雷同之有且他郡邑志亦多有弁語者今倣之

龍山縣志

卷之首

凡例

一

一志必首列星野舊志亦然然翼軫二宿所轄爲全楚
境以一邑分野當之不太寥闊乎且星經多殊詞唐書
地理志謂至澧州石門慈利安鄉極於永順靖州之轄
縣及保靖宣慰司皆武陵入軫十度之野而通天玉書
則謂翼之十六度爲各長官司是星象難定也况一度
至二千九百三十餘里之遙以一邑絜之僅二十之一
上天下地其部位又安準乎初擬削去此門適見金谿
縣志首亦無之亦謂星野之說難根據也今沿例削去
而以地輿冠首

一 邑自

國朝以前淪於蠻苗據今疆域論之其歷代所隸及彼此分合之跡均宜攷其源流四至八到途徑遙邇亦須詳注况境偏苗疆設守方略尤資要隘今并詳列之附以圖繪庶覽者瞭然不啻躬歷其地

一 山水固千古不易者然前志或有疎略今由身所經歷並友人文記得其該詳更取而補敘之非故示異於前也蓋詳略殊焉耳

一 舊志有土司一門今不予其專立而附於兵防內猶

龍山縣志

卷之首

凡例

二

班史於項羽降本紀爲列傳之意夷亂階賤割據也嘉慶咸豐兩次流寇之擾皆詳紀其堵剿事宜欲當事鑒於已然而懲毖其後患也

一 舊志典禮祇載迎春鄉飲救護日月諸事然昏嫁喪祭尤典禮攸關而爲斯民所時有事舊志不載今從通志采補

一 舊志分祀典祠廟寺觀爲三門竊謂祠廟卽舉祀典之地可以類從者也今立祠祀門以統之而寺觀則附於後

一 邑處偏隅春秋祭祀聲容未備禮典缺然今取樂章音律佾舞悉詳載之庶後之心嚮休明者得有所據以肄習之故雖通行之例不復避其繁也

一 物產凡他郡縣所有者皆不載偶或載者則惟邑所出爲多且獨佳也故今志所收較前損十之七至各注釋更削而不錄以山經爾雅人人共讀無庸贅也

一 舊志有秩官政績二門今概以官師統之其有政績者卽爲之詳紀顛末而以歷任年月附見於內其餘則仍秩官舊例臚列姓名注以歷任年月而已蓋姑存之

龍山縣志

卷之首

凡例

三

以備考云爾公署附後

一 史傳例應直書姓名後漢於張劭范式傳內敘事處時以字行後人猶訾議之故今官師人物各志一概稱名卽遇至貴極尊亦不敢諱

一 邑風氣甫開科名甚少故今選舉一門姑附於人物志後匪畧而輕之蓋有待於後也至薦辟

封蔭並附

一 人物心已故者方爲采載若其人現存雖卓有可稱亦姑置之古人所謂蓋棺論定者也

一人物不復分儒林忠孝文苑各類概以時代先後爲次中有爲前志所已載而更志之者蓋詳其所畧也壽民附

一節烈無論存沒及已經具

題與否凡年例相符者皆采載之若其人無事蹟可紀亦必取其姓名臚列於後蓋節操既見即無庸核其他事也壽婦附

一藝文屬邑作者必其人已故方爲采載若居官之作

即現存者亦載之蓋歲滿則遷不能終於此地也至文

龍山縣志

卷之首

凡例

四

必有裨地方事宜否則名製巨篇概從割愛

龍山縣志初次修輯姓氏

主修

五品銜即用知縣署理龍山縣知縣符爲霖 微巖

清軍府銜署理龍山縣知縣 呂懋恆 慎伯

協修

翰林院典簿銜任龍山縣學訓導 周之燦 蘭亭

六品銜任龍山縣典史 朱克敬 香孫

纂修

恩貢生候選訓導 劉沛 史亭

龍山縣志

卷之首

姓氏

一

參訂

鹽課司提舉銜附貢生候選訓導 黃一濤 叔濤

候選訓導 鍾必瑚 夏卿

採訪

國子監典簿銜附貢生候選訓導 龍袞 躍門

貢生 張慶雲 月樓

五品銜候選道庫大使 黃元復 叔容

附生 彭述 駿軒

候選縣主簿 鍾涓 渭卿

翰林院孔目附生

黃元澤 季潤

翰林院典簿銜附生

黃榮本 月舫

廩生

黃士潤 靜溪

貢生

唐延陵 季介

附生

陳丹林 醉楓

貢生

劉書囊 照黎

貢生

伍鳳飛 竹樓

國子監典簿銜附生

彭吉光 芸霖

監生

何夢熊 工堂

龍山縣志

卷之首

姓氏

二

監生

陳定謨 竹舫

武生

瞿華袞

武生

向萬寅 虎臣

總理經費

候選縣主簿

舒 瀛 獻之

武生

李盛濤 松泉

校對

廩生

李玉林 蘊山

附生

黃本崑 紫珊

繕寫

文章

吳德化 雲峯

文章

鍾逢治 雲帆

文章

向長庚 少伯

龍山縣志

卷之首

姓氏

三

龍山縣志增修刊刻姓氏

主修

清軍府銜特授龍山縣知縣

謝寶文 海峯

協修

署龍山縣學訓導

劉士清 活渠

特授龍山縣典史

韓道昌 蔚霞

增輯

恩貢生候選訓導

劉沛 史亭

參校兼筦局務

龍山縣志

卷之首

姓氏

四

候選訓導

鍾必瑚 夏胸

貢生

張慶震 月樓

翰林院孔目銜附生

黃元澤 李潤

鹽課司提舉銜候選訓導

鄭秉彝 葆初

附生

李士澤 頤齋

國子監典簿銜附生

彭吉光 松梅

翰林院典簿銜附生

黃榮本 月勳

補採

貢生

唐延陵 季安

附生

曾錫齡

廩生

鍾逢瀚 仲海

附生

饒檀齡 香海

文生

陳鼎衡

文生

鄭祿鐘

廩生

鄭長材

文生

黃士釗

監生

田成鵬

文生

彭功武

龍山縣志

卷之首

姓氏

五

文生

向朝楷

監生

王成勳

貢生

劉定祥

監生

庾學錦

文生

陳穆堂

文生

張香池

文生

瞿世勳

武生

雷繼綸

文生

龍啟宇

文生

陳其衡

文生

胡克濟

文生

姚復亨

供事

張茂淦

督刊

鍾必瑚

彭吉光

廩生

黃本崑

繕寫

龍山縣志

卷之首

姓氏

六

附生

梅舒萼

小亭

附生

駱鑑林

古吾

文童

鄭必第

春元

文童

聶自榮

文童

駱鎮林

繪圖

監生

劉鴻勳

樹棠

縣名考

前人多稱縣爲鬯水漢書地理志鬯縣注不狼山鬯水所出水經注鬯縣有鬯水出縣西不狼山又有湘江者遵義府志湘江水出遵義縣北境桐梓縣南境之龍巖山陽湖洪亮吉貴州水道考謂今之湘江卽漢之鬯水今之龍巖山卽漢之不狼山也吾邑卽有鬯水之稱則龍山之名當取諸龍巖山無疑且邑西南境之北河蓋卽鬯水支流所經注者也漢書地理志注鬯水東入延江水經注鬯水於符縣東注延江水又水經延江水至龍山縣志

卷之首

縣名考

一

巴郡涪陵縣注更始水道元注更始水卽延陵支分之水其水東入巴東南浦縣謂之西鄉溪水東南入遷陵縣一統志更始水今俗名北河卽經邑西南境者也遷陵今保縣縣界與毘界而且據其上流者也遵義府志湘江水入烏江烏江洪亮吉謂卽黔江今酉陽有黔江縣是也水道提綱烏江入四川酉陽州西南界又北稍西百餘里有南溪河東北自湖廣施南府合謂水西南流自龔灘來會南溪河在來鳳縣百福司地與毘界俗名南河其源卽至施南府宣恩縣來入邑北境更西

流稍南爲南溪河亮吉故曰南溪河上源卽北河也惟自龔灘來會之說則誤龔灘在酉陽境與南河相隔百餘里兩水初不相通在龔灘者由酉陽繞秀山出石隄入北河而南溪河亦由百福司下流注石隄至此始與之會石隄界邑南者也然其並歸邑境則無不同又明史地理志安化縣東南有水德江卽烏江之分流夫更始水爲北河水德江亦北河也卽經縣西南境者也又水經注黠水出符縣南入豈水豈水出其縣而東注延江水邑地在晉爲黠陽蓋黠水之陽也黠水所經注卽

龍山縣志

卷之首

縣名考

二

豈水所經注也據是言之邑以豈水稱雖與古地相錯重出猶之可也顧有疑者水流動無不周而山則今古靜鎮無少遷移者也以豈水名縣猶與邑相涉也若龍巖山在遵義府境距邑治千有餘里不取名於境內之山而取名於千里外遠不相及之山豈固能彼此挹注乎若慈利縣茹水所出之龍茹山永順縣靈溪所出之蟠龍山或援是以名之猶嫌間隔而况楚黔之遠不相及者乎而邑屬之山又無以龍山名者要之設縣命名事關鉅重當時必經名卿碩儒精審而論定之惜舊典

遺佚父老無傳其確然足據者不可得而知也若非前之說而別有取義焉則豈水之稱又當譌矣請以質之綴學方聞之君子

龍山縣志


卷之首

縣名考


三



縣境全圖



一 排第





二 全圖









右縣境全圖圖三排排三幅都九幅開方計里每方直
 十里斜贏其里數之半凡十六里名以口墟市以命
 營汛以粥塘以旗路以點界以線惟縣境總界則畫之
 而十六里皆不界畫懼紛淆也凡縣境所不及其空缺
 處亦必幅列之蓋缺一則二三無所屬其部居必至參
 錯且不成方體也劉鴻勳識